

Rapport dalla sessiun dil cussegl da vischnaunca dils 25-03-2019

Tractanda 1 **Approbaziun dil protocol dalla sessiun dils 12-11-2018**

Il protocol dalla sessiun dils 12 da november 2018 vegn approbaus en votaziun unanima cun engraziament.

Tractanda 2 **Approbaziun dil quen 2018 dalla meglieraziun Schlans**

Igl onn 2018 ha ha la meglieraziun expensas totalas da frs. 297'617.20 ed entradas totalas da frs. 435'555.-. Igl ei vegniu entschiet cun la sanaziun dalla via Alp Schlans. Tier las entradas setracta ei dallas subvenziuns federalas e cantunalas per l'etappa 11. Las expensas totalas per igl entir project da meglieraziun da Schlans contonschan per la fin digl onn 2018 la summa da frs. 10'394'960.55. Las entradas da confederaziun, cantun, vischnaunca e privats muntan à frs. 10'177'869.15. Aschia seresulta pils 31 da december 2018 in surpli d'expensas da frs. 271'091.40.

Cun 12 : 0 vuschs approbescha il cussegl da vischnaunca il quen 2018 dalla meglieraziun funsila Schlans.

Tractanda 3 **Vendita dalla parcella 3061 a Pustget**

Christian Maissen damonda da cumprar la parcella 3061 che sesanfla en zona da baghegiar a Pustget. El intenziunescha da construir ina casa. La suprastonza communal propona da vender il terren per las medemas cundiziuns sco tier la vendita dallas autras parcelas da baghegiar a Pustget.

Cun 12 : 0 vuschs autorisescha il cussegl da vischnaunca la suprastonza communal da vender la parcella 3061 sin fundament digl artechel 41 alinea g dalla costituziun communal

Tractanda 4 **Vendita dalla parcella 6153 a Tujals**

Margrit Derungs damonda da cumprar la parcella 6153 a Tujals. Las cundiziuns per la vendita ein fixadas el reglament davart la vendita da parcelas dalla fracziun da Schlans el quartier Tujals.

Cun 12 : 0 vuschs autorisescha il cussegl da vischnaunca la suprastonza communal da vender la parcella 6153 sin fundament digl artechel 41 alinea g dalla costituziun communal.

Tractanda 5 **Pusseivladad da tschentar damondas**

Dalla pusseivladad da tschentar damondas vegn fatg diever.

Per il cussegl da vischnaunca

La presidenta
Rita Wolf

L'actuara
Sandra Gautschi